



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-001-3/22**
Datum: **13.01.2022. godina**

«Agencija za vodno područje rijeke Save» Sarajevo rješavajući po zahtjevu Investitora „TEHNOPETROL“ d.o.o., Tuzla za izdavanje vodne saglasnosti na projektnu dokumentaciju za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada radionice za obradu metala koja će se nalaziti u poslovnom kompleksu u naselju Bukinje, Grad Tuzla na osnovu člana 109. stav 2. tačka 1. Zakona o vodama («Službene novine Federacije BiH, broj 70/06») i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), **donosi:**

R J E Š E N J E **o vodnoj saglasnosti**

1. Investitoru „TEHNOPETROL“ d.o.o., Tuzla, daje se vodna saglasnost za aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta u postupku rada radionice za obradu metala koja će se nalaziti u poslovnom kompleksu u naselju Bukinje na zemljištu označenom kao k.č. broj: 703/17 i dio 703/1 K.O. Bukinje, Grad Tuzla a na osnovu projektne dokumentacije:
 - Glavni projekat snabdijevanja vodom i dispozicija otpadnih voda za potrebe poslovnih objekata, broj: I-185-09/19 od septembar 2019. godina urađen od strane „ATRIUS projekt“ d.o.o., Živinice.
2. Projektna dokumentacija navedena u tački 1. ovog rješenja ovjerena se vraća na čuvanje investitoru i čini sastavni dio ovog rješenja.
3. Investitor je dužan objekat iz tačke 1. ovog rješenja izgraditi u skladu sa navedenom, ovjerenom projektnom dokumentacijom.
4. Način ugradnje separatora i stavljanje istog u pogon uskladiti sa proizvođačem opreme u svim fazama.
5. Nakon izvođenja radova na sistemu prikupljanja, odvodnje i prečišćavanja otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda
6. U toku izvođenja radova, investitor je dužan poduzeti odgovarajuće mjere kako ne bi došlo do nastanka štete ili nepovoljnih posljedica po vode i vodni režim.
7. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
8. U periodu važenja ovog rješenja, Korisnik je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko iste nisu u suprotnosti sa uslovima iz ovog rješenja.
9. Ova vodna saglasnost prestaje da važi istekom roka od 2 (dvije) godine od dana njenog izdavanja, ukoliko do tog dana nije pribavljeno odobrenje za gradnju i započeti radovi.
10. Vodna saglasnost se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama («Službene novine Federacije BiH», broj 70/06).

O b r a z l o ž e n j e

Investitor „TEHNOPETROL“ d.o.o., Tuzla, Ul. Đorđa Mihajlovića br.4, ID broj: 4209379120009, se dana 05.01.2022. godine obratio ovoj Agenciji sa zahtjevom za izdavanje vodne saglasnosti na projektnu dokumentaciju za aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta u postupku rada radionice za obradu metala koja će se nalaziti u poslovnom kompleksu u naselju Bukinje, Grad Tuzla na zemljištu označenom kao k.č. broj: 703/17 i dio 703/1 K.O. Bukinje, Grad Tuzla.

U provedenom postupku dostavljena je i pregledana sljedeća dokumentacija:

- Ovjerena kopija aktuelnog izvoda iz sudskog registra od 26.08.2020. godine izdat od Općinskog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni porezni ured Tuzla, 17.05.2011. godine;
- Kopija uvjerenja o registraciji obveznika poreza na dodanu vrijednost u Jedinstveni registar obveznika indirektnih poreza donesenog od strane Uprave za indirektno-neizravno oporezivanje Banja Luka broj: 04/1-UPJR/1-2613-2/08 od 30.04.2008. godine;

- Dokaz o uplaćenju upravnoj taksi;
- Kopija Rješenja o prethodnoj vodnoj saglasnosti broj: UP-I/25-1-40-395-6/21 od 19.10.2021. godine izdato od AVP-Sava, Sarajevo;
- Kopija rješenja o urbanističkoj saglasnosti broj: 06/10-19-16356-2021 M.B. izdato od Službe za prostorno uređenje i zaštitu okoline, Grad Tuzla;
- Kopija Uvjerenja broj: 4855/4 od 09.08.2021. godine izdato od JKP „Vodovod i kanalizacija“ d.o.o., Tuzla;
- Kopija saglasnosti broj: 4854/21 od 09.08.2021. godine izdata od JKP „Vodovod i kanalizacija“ d.o.o., Tuzla;
- Glavni projekat snabdijevanja vodom i dispozicija otpadnih voda za potrebe poslovnih objekata, broj: I-185-09/19 od septembar 2019. godina urađen od strane „ATRIUS projekt“ d.o.o., Živinice.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije uz predmetni zahtjev od strane stručnih osoba Agencije pregledana je projektna dokumentacija i konstatovano je slijedeće: U predmetnom objektu za obradu lima se proizvodi slijedeće: trapezni limovi, limovi imitacija crijepa, kompletna limarska galanterija, strujne, poštanske, hidrantske i gardarobne ormare, razvodne ormare za grijanje i slično.

Tehnološki proces se sastoji od skladištenja i obrade lima (rezanje, savijanje, varenje, pjeskarenje, farbanje...). Manje količine lima povremeno je potrebno očistiti od korozije i to će se vršiti pjeskarenjem do stadijuma da bi se moglo prefarbati. Pjeskarenje se izvodi upotrebom pijeska koji se u zraku velikom brzinom (gotovo brzina zvuka) tretira korodirani metal. Za osjetljivije materijale koristi se osjetljiviji materijal od pijeska. Farbanje proizvoda se vrši mašinski ili ručno.

U tehnološkom procesu nema upotrebe vode te ne nastaju tehnološke otpadne vode.

U procesu može doći do prosipanja materijala koji pada na pod te će se isti suhim putem čistiti (metlama ili usisivačem) i odlagati u zatvorene posude za otpad odakle će ga nadležna komunalna preduzeća odvoziti na deponiju.

Na osnovu dostavljene dokumentacije uz predmetni zahtjev utvrđeno da je dostavljeni Glavni projekat snabdijevanja vodom i dispozicija otpadnih voda za potrebe poslovnih objekata, broj: I-185-09/19 od septembar 2019. godina urađen od strane „ATRIUS projekt“ d.o.o., Živinice urađen u skladu s uslovima utvrđenim prethodnom vodnom saglasnošću broj: UP-I/25-1-40-395-6/21 od 19.10.2021. godine.

Na osnovu naprijed navedenog, a u skladu s članom 114. Zakona o vodama («Službene novine Federacije BiH, broj 70/06) i člana 7. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15), riješeno je kao u dispozitivu rješenja.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić Dž., dipl.iur.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- „TEHNOPETROL“ d.o.o., Tuzla (PRILOG: Projekat)
- Ul. Đorđa Mihajlovića br. 4., Tuzla
- AVP Sava, ISV-vodna knjiga,
- Sektor 40 – arhiva
- Oglasna tabla AVP Sava-Sarajevo